



Autobusak hiritarren zerbitzurako egokitu dituzte.

JOSE SIMAL

Eusko Trenbideak Helios saria jaso du Brightonen

G. AGIRRE / BILBO

Azken hiru urteotan martxan jarri dituen ibiltzeko arazoak dituzten pertsonentzako bi sarrera dituzten autobusengatik, Eusko Trenbideak Europako Elkartearen elbarrituen gizarteratzearen aldeko Helios saria jaso du Britainia Handiko hegoaldeko Brighton herrian.

Europako Komunitateko Ministri Kontseiluak 1988. urtean jarri zuen martxan Helios saria. Sari horren helburua, elbarrituak mugitzeko ahalbideak gehitzeko ekintzak garatzea eta zabaltzea da.

Urtero Komunitateak hiru ataletan banatzen den Helios lehiaketa antolatzen du, programaren hiru sailak honakoak izanik: mugikortasuna eta

garraioa, eraikuntza eta egoitza publikoen sarrera baldintzak eta etxebizitza eta, azkenik, etxez etxeko laguntza.

ETk martxan jarri zituen 1989. urteko ekainean, lehen aldiz, ibiltzeko arazoak dituzten pertsonentzako autobus egokituengatik, Gizarte Gaietarako Ministeritzak eta Inser-sok, Inser-so 89 saria eman eta 1990. urteko Helios sarira aurkezteko gonbitea egin zioten.

Otsailean egin behar izan zen sari banaketa Golkoko gerra dela eta orain arte atzeratu zuten. Horrela, joan den ostegunean banatu zituzten Britainia Handiko hegoaldeko Brighton herria 1990. urteko Helios sariak. Sari banaketa Britainia Handiko Ongizate saileko N. Scott ministroaren eskutik egin zen.



Publizitatea eta Hizkuntza Ez Normalizatuak

Hegoaldean 21.500 milioi pezeta inbertitu zen publizitatean iaz

Horietako % 4 baizik ez zela euskaraz egin azpimarratu zuen Ogizak

Hego Euskal Herrian 21.500 milioi pezeta —1.075 milioi libera— inbertitu ziren 1990. urtean publizitatean eta horietako % 4 —858 milioi pezeta— baizik ez zen euskaraz egin, Jaione Ogizak atzo Publizkuntzaren ihardunaldietan azaldu zuenez.

DONOSTIA



Ikerketa Edorta Aranarekin elkarlanean egin du Gizarte eta Informazio Zientzien Fakultateko beka-dunak. Ogizak adierazi zuen eran, komunikabide eta publizitatearen egitura aztertze-ko lau inkesta mota egin dituzte.

Lehendabizikoan telebista, irrati, egunkari eta aldizkari komertzialak sartu dira; bigarren inkesta eredu komunikabideetatik kanpoko publizitateari egokitu zaio —guztira hogeitabat enpresa aukeratu dituzte—; hirugarrenean zinea izan zen aztergai Movirecord-ekin egindako lanaren bidez. Laugarren inkestaren esparruan aldizkari lokalak izan dira.

Iaz Hego Euskal Herriko publizitatean inbertitu ziren 21.500 milioi pezetatik % 37 egunkariak hartu zuten —euskaraz zein erdarazko pu-



Jaione Ogizak euskarazko publizitatearen datuak eman zituen atzo. C. VILLAGRAN

blizitatean, orokorrean—. Bigarren lekuan publizitate diru sarrerei dago-kienez telebista kateak daude, % 20rekin orotara. Irratietan % 10 inbertitu zen lan horren emaitzen araber. Laugarren publizitate motan kanpoko publizitatea —etxeak, autobusak, kartelak, markesinak eta abar— dago % 3,24ez. Segituan aldizkariak daude —lokalak barne— publizitate guztiaren % 1ekin. Zineak, azkenik, % 0,3 baizik ez du lortu diru horretatik.

Goiko datuok komunikabideei beraiei dagozkie. Medio horietatik kanpo marketing kanpainetan zenbat diru inbertitu zen jakin erazi zuen Ogizak. Arlo honetan telefonoz egindako publizitatea, postaz bidalitakoa, enpresa handien opari pertsonalak eta sponsozazio edo babesle gisako ekimenak sartu dituzte informazio adituek. Marketing honetako diru kopuru osoaren % 26 inbertitu zen iaz, atzoko ihardunaldian azaldu zen lege.

Irakaskuntza

Hezkuntza Sailak 1992. urterako dituen aurrekontuak salatu dituzte CCOOek

DONOSTIA

Eusko Jaurilaritzako Hezkuntza Sailak datorren urterako egindako aurrekontuak errefusatu zituen atzo CCOO sindikatuak. Euskal hezkuntzaren sistema geldiaraztea eskatu zuen, eta hau egin ezean hezkuntzara behar adinako aurrekontu partida bideratzea eskatu zioten Fernando Buesa Hezkuntza kontseilariari «aurrekontu horiekin erreforma egitea ezinezkoa delako».

Hezkuntzaren ardura Eusko Jaurilaritzaren esku dagoenetik, arlo honetara bideratu den aurrekontua hain txikia inoiz ez dela izan zehaztu zuen Ricardo Arana CCOOeko hezkuntza arloko idazkariak. Datorren urtean egin behar den erreformari begira, aurrekontua handitzea ezinbestekotzat jo zuen Aranak.

Hezkuntzaren aurrekontuan industriaren krisiak eragina izan duela esatea «aitzakia hutsa» besterik ez da Aranaren aburuz, «heziketa edo langile publikoen soldatetarako partidak bakarrik murriztu direlako». 1992. urterako zehaztutako aurrekontua dela medio, irakaskuntza eta



Fernando Buesa Hezkuntza sailburua.

OLALDE

irakaslego publikoari iraina egiten zaiela salatu zuen CCOO sindikatuak eta sare pribatuko ikastetxeek lehengo diru sarrerak izango dituztela argudiatu zuen Aranak.

Aurrekontua aldatzen ez den bitartean, 1992. urtean EAEko hezkuntza arloko langileek Espainiako gainontzekoekin konparatuz gero, gutxiago kobratuko dutela eritzi zion Aranak. «Estatuko gainontzeko

langileek baino % 2 gutxiago kobra dezakete hemengo irakasle publikoek» azpimarratu zuen sindikatuko idazkariak. Hezkuntzaren sare pribatutako dirulaguntza gehiago bideratuko den arren, bertako irakasleek soldata igoerarik ez dutela izango argitu zuen sindikatuak. Bere iritzi hori dela eta, Ordainketa Delegatua eta soldaten parekatzea ez direlako aintzakotzat hartu.

EHUko Klaustorako hauteskunde emaitzak baikorrak dira Iaren ustez

A.O. / DONOSTIA

Euskal Herriko Unibertsitateko Klaustorako egindako hauteskundeetan Ikasle Ater-tza-leak taldeak lortutako emaitzak «guztiz baikorrak» direla zehaztu zuten IAKo kideek. «Euskal Herriko Unibertsitatean gehiengo dugu» adierazi zuen atzo IA taldeak. Bere iritzi, Klaustorako egin diren hauteskundeak aurrerapausua izan dira Iarentzat «proiektu propioa eta alternatiboa dugula frogatu dugu» gehituz.

Hauteskundeak aurrera eramateko ezarri zaizkien baldintzak, ordea, gogor salatu zituzten IAKo kideek. Beren ustez, aukeratutako data ez da egokiena izan Eguberrietako jaiak gertu zeudelako «eta fakultate batzuk jaitan ziren bitartean, beste batzuetan azterketak zituztelako». Iaren hitzetan, ikasle batzuren izenak ez ziren erroldan azaltzen, beste batzuk ezinezkoa izan zuten botatzea matrikula egin gabe dutelako oraindik.

Hauteskunde hauetan parte hartzea oso kaskarra izan dela azpimarratu zuten «hauteskundeetan irregulartasunak egon direlako eta ikasleen artean sinesgarritasun eskasa duelako Klaustorak». Irregulartasunak direla medio, IA taldeak inpugnatu egin ditu Sarriko eta Gasteizko Kanpuseko emaitzak.

Bestalde, Iaren barne txosten bat zutela esanez, Ikasle Kontseiluak egindako adierazpenak salatu zituen ikasle taldeak. «Iaren agiri guztiak publikoak dira eta gure iritzia jakin nahi bazuten, guri zuzenean galdetzea besterik ez zeukaten» esan zuten. Agirian, Ikasle Kontseiluetan klaseetako ordezkarien parte hartzea bultzatu behar dela soilik zehazten dela argitu zuten gainera.

Era berean, Ikasle Kontseiluak dirua zertan gastatu duten argitu gabe dagoela berretsi zuen IAEk. «Askotan saiatu gara informazioa lortzen baina, ezinezkoa izan zaigu» eritzi zuten. Ikasle Kontseiluaren gestioak «ilun» segitzen duela azpimarratu zuten.